

十修家训

国必有法使人民遵循法律则国之乱矣家必有训使子孙听从训诲则家聲振矣以家法辅佐国法为国振敝起衰国必强而家必兴矣查我族老谱历有家训条例森严可以借鉴今我族十修宗谱按照国家颁布新政策和新法律而制定家训数则度几后裔无致违法兹列于左

一 热爱祖国

天下兴亡匹夫有责有国才有家国之存亡我之存亡也务必贯彻国家政策法令为国贡献为国争光愿我国达到国泰民安国强民富我族子孙应以先天下之忧而忧后天下之乐而乐作为座右铭

二 孝顺父母

我祖黄香冬温夏美清孝性闻於世乃人子可效法之父母鞠育劬劳之恩罔极难酬教读婚嫁之事操劳备至父母爱子情同舐犢故人子有赡养父母之义务须做到定省无违不得言语莽撞伤害父母之心不能违法乱纪以贻父母之忧提倡厚养薄葬锥牛祭墓于死后不如鸡黍逮存乎生前

三 友爱兄弟

世间最难得者兄弟手足之情不能伤害夫妻应互教妯娌要和谐但不能听信谗言较短长争财产以致入室操戈自相鱼肉而伤手足之雅

四 教育子女

骨肉所在厚薄何分不得重男轻女抚养送读婚嫁之事乃父母之责应按其己之能力尽善处理尤以让其勤学苦读因材施教使之成才庶不至职业不居成为社会之败类以贻门之羞辱子孙不教责有攸归

五 崇高礼节

中国乃文明古国应注重礼貌讲究文明待人以礼接物以恭婚丧等事固宜崇其俭樸而不能失其礼节坐立序次尊卑称呼亲友往来均应与礼为先不得仗势凌人才智压人无礼待人侮辱他人身人格须知亲其亲长其长而天下平矣

六 持家勤俭

书称无逸诗咏不遑古训昭然彰彰可考凡我族子孙应勤俭持家则俯仰无虧成家有望关于食求甘衣求美懒惰成性闲游度日必至职业荒废家庭坠落傳曰民生在勤勤则不匮宜细思之

七 公正廉节

夫公正廉節者乃治化之本德教之型也古有公评月旦飲马投钱之盛德凡处理家庭族中是非必须理从直断事在曲私以无讼为贵若恂一己之私贪赃枉法而纵容闹事釀成家庭不和子孙违法应受良心责备族人怨忿害己不成矣

八 戒懲游惰

蓋羞惡之心人皆有之也若人无耻则一切丧德败行之事干礼犯法之行为所欲为奚里属獸哉凡我族子弟不得流氓成性不务正业聚众赌博荒淫无耻有钱财酒肉不奉父母不养亲子而呼朋引婁卒饱快意丧名败家家长应严加管教族人有权斥责重大者不得庇护应交政法机关处治

三 修家訓小引

家必有譜一本所由敦也家必有訓勸懲所由昭也我族自山穀公后至蚺公汶公啟公

遷居平邑數百載於茲矣以族姓繁盛家未能一轍今我同宗合修族譜回立訓誡以約

束之爰撰數條詳列於左一敦行孝第

親者身所自出兄弟一本所由分故孝弟為五倫之首人家和順致祥惟在孝弟大孝格

天不匱錫類古人非虛語也孝者隨其分之所得為莫先於承順父母之歡心而養次之

若事事無拂父母之心即菽水亦足承歡嘗見富貴之子非不肥甘日進然不過奉養常

套而子妇燕乐一室有旬日不至父母之寢室者有怨父母偏爱不均而生嫌隙者有因父母老耄烦琐不便己私而厌闻其语者斯时父母心中许多郁也此即养志养口体之别也五倫中惟兄弟自孩提竹马以至白首相依之日为最长今人幼时处兄弟甘则必分爱则必割侮则共禦其天性然也及致取妇人房各妻其妻各子其子各私其财遂相视如秦越甚且疾恶如仇敌者豈非反人道之常乎人能念兄弟为分形同气之人休戚一体勿为习俗所移勿为妇言所惑则式好无尤矣

一 崇尚礼让

凡世家巨族礼教为先冠婚丧祭礼之大者固宜修习即出入过退辞合之节亦须恭谨

如称呼之体坐立之序卑幼者须循職分不可僭妄踰节常於家庭间习惯仪节则施之

大宾公廷自不失度尝见贤智子弟多恃其才智以

傲父兄不肯循礼愚蒙者不知习礼骄纵粗野皆由少时失教之过此义方家训所宜亟讲也

一 早完国税

国家赋税立法最嚴官府以此为考成豈容民意拖欠即當差烦赋重之日亦當百计经营以图了纳况正供本项乎试看蠲免之年亦无余钱连欠之家愈见贫乏逐年陸續办完胥吏不过其门何等轻便何等安乐若拖欠堆积一时急迫束手难措身受鞭笞变田鬻子加以公关勒索用费多端殊可哀憫

一 禁革奢侈

俭美德也书称克俭唐魏之俗尤思深远盖言俭也语云由俭入奢易由奢入俭难豪富之家习於奢侈虽曰富厚不能长保欲返而学俭虽矣至有穷独双身之人饮食衣饰专务侈靡此不终日之计不思久远者也今人见人用费节俭辙目为鄙吝不知餽送会宴冠婚丧祭事以礼举者不可过俭亦须称其家之丰约至若平居服物饮食宫室器用惟淡泊者为可以布衣蔬爨安步晚食即是人生乐事豈非持盈济虚经久无弊之计乎

一 戒飭强暴

人性之刚善恶虽由性生亦贵学习以变化之盖人家父兄遇子弟之强悍者从幼便当禁飭之使不得肆语云少成若天性习惯成自然也彼长有恃强不法者众人共持公道

责懲之不得含容徇纵 又必家长处罚以正是非曲直无所加互若徇一己之私意於不肖子弟有所阿纵庇护则彼有所恃而侮法违训酿成祸患不淺故曰父兄之教不先子弟之率不谨不信然哉

一 懲责洲惰

凡人贤者劳心愚者劳力士农工商各有职业有一等淫心舍力之徒荒其本业无以为治生之计乃一变而诳骗说谎妄作非为皆由平日游手好闲之习酿成之也凡子弟切不可学赌博釀饮有心思气力不用之於正业而用之嬉戏有钱财洒食不奉其父母养其妻子而呼朋引类醉饱快意此乃败家丧名之端凡教子弟者當其幼时读书者常令其在館务农者常令其在家稽查其出入之候结交之黨无使习惯成俗终身难改

一 严肃家政

家政与国政其理一也。孔曰：惟孝友於兄弟，施於有政。是以为政治家者，父子必慈，孝兄弟必友，恭夫妇必义，顺僮僕必恭谨，以至疏而宗族，喜乐必相庆，凶丧必相吊，尤病必相恤，有无必相通。如有违家法，欺寡弱，徇私害公，伤族谊之和，便一己之私，有一於此，是谓悖德。此孝子顺孙所不为。祖宗在天之灵，所深恫也。甚且有不肖子弟，不守條律，偷盗兹牲什物，砍斫坟山树竹，竊割田禾蔬菜，一经查出，从公处治断，不轻宥，以玷家声。

一 教端家养

蒙养为作圣之基。古云：成人有德，小子有造。人家子弟长大，不循理法，皆幼穉时为父兄不严，或因家贫不能从师入塾，又或家饶而珍惜茶饭俸金，以致长大一字不识，礼仪俱

疎凡教子弟者六七岁时莫计家之有无必今就外傅亲师友谨其言行率之孝友信实毋令歌曲博亦出入市廛酒肆有过必责稍逸必规擇其聪俊者多读诗书其以扬显其余質雖不及学即不成亦自脱去粗戇俗態归於循谨温恭豈不门户高大光耀先人乎

一 婚姻嫁娶

婚姻原由天定嫁娶必及夫时古者男子三十而娶女子二十而嫁今人未必尽然婚嫁太早与过时不为婚配皆不可也文中子曰婚姻论财夷虜之道子女相聘只擇门户子弟相当若体慕一时炎势尤为非宜夫今日富贵安知異日不贫贱今雖贫贱安知異时不富贵此语豈特前人言之至再倚伏盈虚目击许多矣既已定聘至於嫁娶量力而行古人尚简今人尚繁然繁禘固不可为仪节亦不可太略总之酌古准今务求允當夫父

母之於子甫二三岁进即當定聘自是轻便否则畏家之艰难从其宽缓嘗见子平之愿

多终不遂

一 丧祭禫礼

丧祭禫礼慎终追远之道先王之制至严也近世以来人家有丧每为浮屠诱诳於家供佛饭僧诵经礼懺笙歌声之喧阗雜沓无益死者分毫徒罄者囊橐然相沿已久亦听人自为耳若省此妄费作父母衣衾棺槨之资庶几古人附身附棺必诚必敬勿之有悔之意又今世有贫乏者因不能备办贲费遂致父母丧服终身不释甚非古人丧不过三年之义尚其酌之嗣后有力者则尽诚备物务尽子心万一家计不能先出辞客之帖祇以礼祭奠如期卜葬服满依家礼禫祭释服其祭品即菲薄亦伸其诚敬而已矣孔子曰丧

与其易也甯戚居丧者其属守此训

一 守墓址山林

山川基址人主所以固国庶民所以承家凡犬牙相错之处必当界劃了然儻有不肖子
姪妄鬻别姓者此实肇式微之渐至大乱之媒宜珍重保守之

四 修家训条规

一 祖宗为人根其犹水木之有本源也庙貌不可不崇邱墓不可不葺吾族宗祠务宜修

整毋使倾颓列祖塋墓亦宜及明修砌勿致芜没此永言孝思孝思维则之义也

一 祭祀 祖先齐戒整肃必诚必敬庶可展孝思於万一使视为泛常草草将事不惟礼

仪失度亦且怨恫难泯公罚备仪再祭以为慢宗怠忽者戒

一谱系纪祖德繫世次明其所自也修之不綦重哉吾族自乾隆甲子修后今又公议续

纂雖较苏氏三十年一修之例去之稍远倣此而行则宗谱谅无讹谬之失

一父母之恩罔极亲存则起敬起孝當随分侍养亲歿葬祭雖称家有无然大礼断不可

缺族中子姓及宜慎重毋蹈不肖之愆

一边饷漕南乃国家之正供小民所以报效朝廷者也今我族人每岁完纳當踴躍争先

以昭急公之义儻藐视 功令故为怠缓定以家法懲之

一兄弟本同气之亲天伦所宜笃也人幼穉时皆知友爱及各妻其妻各子其子遂渐疏

於衰薄凡我子姓敢有听妇言伤手足之情者鸣诸家族即以不友不恭罚之

一子弟行坐出入必后长者即遇公事须谦卑逊顺不可挽越狂忤至於诸父诸兄即事

核理亦不可以尊压卑以长陵少随机教诲各尽其道则家庭庶几雍睦矣

一匹配乃人伦之始万福之原凡婚姻当择厚重名门兼察其父母之贤淑然后通媒成礼苟失此不谨或至良贱不均唱随失德渎伦伤化有害匪浅能勿慎诸

一朋友居五伦之一人生所不可少者圣人云以文会友以友辅仕又曰母友不如己者盖言慎於择交也苟因失其亲则规劝失而比匪伤矣嚶鸣求友将安詠欤

一读书乃明伦之要上以亲圣贤下以正行谊者也凡课训子弟务择良师益友以为启迪辅翼俾子弟有所做法而大器可成不然徒以供俸简便漫为聘定势必至学殖荒廖而心源反空矣书曰罔不在初为父母者其早勸诸

一敬老尊贤古训具在吾族散处乡里耆俊不一公议与祭之时有年登古稀身列黉序

者给胙二斤寿至八旬与选明经举孝廉者倍之名题雁塔及年享期颐者尤倍之后人

永遵无忽

一造就子弟鼓励英俊乃族中之先务使昧於培植则材为棄材今后吾族有赋質聰穎

贫难肄业者公给俸仪应童子试及已进赴科岁试给卷资四钱乡试程仪二两会试十

两所赠雖微意良渥也日后公资饶裕创义塾置学田凡属奖赏例应酌增

一衣食者礼义所由兴而农桑者又衣食所攸赖书云既富方穀其是之谓乎凡我族姓

春耕秋斂无惮寒暑奮力南畝俾仰事俯畜可无匱乏之虞以培学校之先资矣

一洒为人合欢凡养老娱宾及冠婚丧祭在所不废然藉以成礼而已若沉湎丧德其为

酒也奚宜宾筵之什酒誥之篇古先圣人所由淳匕也我后人能勿慎诸

一官非出於不得已若与人構讼必不能保身家而敦古道也况诗张为幻专事罗织不

尤可恶乎吾族倘有忤断乡曲逞讼为能者众相攻击以免嚣风

一赌博之迷人也久矣小则废时失业大则荡产倾家伤风败俗莫此为甚此陶荆州所

以投樗蒲於井而鄙为牧猪妈者也族间有不务常业流连於雉廬者查出呈究

一祖遗坟山墓田所以保万古佳城也家貲略裕理宜陸續置買以安寔窆即家窘亦不

可出售他姓致貽后累嗣后无论公私儻有擅卖及盗买者公同送官究治

一优隸僧道及鬻子为妈僕等项皆败坏门岁滅绝宗族者也我族人遇贫窘时成立者

学百工技艺固可作生涯幼穉者即乞丐乡邻亦可敷日食有擅入異端差役出售后嗣

者一经查出同处罚